

Broj: 03-34-923/2017
Sarajevo, 8.12.2017. godine

Бosна и Херцеговина
Федерација Босне и Херцеговине
ПАРЛАМЕНТ ФЕДЕРАЦИЈЕ
SARAJEVO

11-12-2017			
№	Свој	Прилога	Вриједност
01,02	05	2198	17

**PARLAMENT FEDERACIJE
BOSNE I HERCEGOVINE**

- **Predstavnički dom -**
gosp. Edin Mušić, predsjedavajući
- **Dom naroda -**
gđa Lidija Bradara, predsjedavajuća

Poštovani,

U skladu sa članom IV.B.3.7.c) (I) Ustava Federacije Bosne i Hercegovine, na osnovu člana 28. tačka b) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj 75/17), a u vezi sa članom 152. stav (2) Poslovnika Predstavničkog doma Parlamenta Federacije BiH („Službene novine Federacije BiH“, br. 69/07 i 2/08) i članom 143. stav (2) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), **radi razmatranja i donošenja, dostavljam Vam PRIJEDLOG ODLUKE O RAZRJEŠENJU JEDNOG ČLANA UPRAVNOG ODBORA AGENCIJE ZA BANKARSTVO FEDERACIJE BOSNE I HERCEGOVINE**, koji je utvrdila Vlada Federacije Bosne i Hercegovine na 131. sjednici, održanoj 7.12.2017. godine.

Prijedlog odluke se dostavlja na službenim jezicima i pismima Federacije Bosne i Hercegovine u printanoj i elektronskoj formi (CD).

S poštovanjem,



Prilog: Prijedlog odluke na bosanskom jeziku

Co: Federalno ministarstvo finansija-
Federalno ministarstvo financija
gđa Jelka Milićević, ministar

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**ODLUKA
O RAZRJEŠENJU JEDNOG ČLANA UPRAVNOG ODBORA AGENCIJE ZA
BANKARSTVO FEDERACIJE BOSNE I HERCEGOVINE**

Sarajevo, decembar 2017. godine

Na osnovu člana 28. tačka b) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj 75/17), Parlament Federacije Bosne i Hercegovine, na sjednici Predstavničkog doma održanoj _____ godine i na sjednici Doma naroda održanoj _____ godine, donio je

**ODLUKU
O RAZRJEŠENJU JEDNOG ČLANA UPRAVNOG ODBORA AGENCIJE ZA
BANKARSTVO FEDERACIJE BOSNE I HERCEGOVINE**

I

Želimira Raspudić, član Upravnog odbora Agencije za bankarstvo Federacije Bosne i Hercegovine u koji je imenovana Odlukom o imenovanju Upravnog odbora Agencije za bankarstvo Federacije Bosne i Hercegovine („Službene novine Federacije BiH“, broj 12/17) razrješava se dužnosti, zbog podnošenja ostavke.

II

Ova odluka bit će objavljena u „Službenim novinama Federacije BiH“.

PF broj _____
Sarajevo, _____

**Predsjedavajući
Predstavničkog doma
Parlamenta Federacije BiH**

Edin Mušić

**Predsjedavajuća
Doma naroda
Parlamenta Federacije BiH**

Lidija Bradara

OBRAZLOŽENJE

I - ZAKONSKI OSNOV

Zakonski osnov za donošenje ove odluke je član 28. tačka b) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj 75/17), kojim je propisano da član Upravnog odbora Agencije može biti razriješen dužnosti i prije isteka perioda na koji je imenovan u slučaju da podnese obrazloženu ostavku u pisanoj formi.

II - RAZLOZI ZA DONOŠENJE

Odlukom Parlamenta Federacije Bosne i Hercegovine, broj: 01,02-02-1773/16 od 2.2.2017. godine („Službene novine Federacije BiH“, broj 12/17) u Upravni odbor Agencije za bankarstvo Federacije Bosne i Hercegovine na mandatni period od pet godina imenovani su: Ljerka Marić, Meliha Bašić, Samir Bakić, Želimira Raspudić i Velid Efendić

Međutim, dana 29.6.2017. godine, Želimira Raspudić se obratila Agenciji za bankarstvo Federacije Bosne i Hercegovine (u daljem tekstu: Agencija) dopisom kojim daje ostavku na mjesto člana Upravnog odbora Agencije zbog toga što je na 8. sjednici Upravnog vijeća Centralne banke BiH, održanoj dana 29.5.2017. godine, Upravno vijeće dalo saglasnost guverneru da istu imenuje na poziciju viceguvernera Centralne banke BiH na mandatni period od 4 godine, počevši od 1.7.2017. godine.

S tim u vezi, Želimira Raspudić je dana 29.6.2017. godine Agenciji dostavila pismeno obrazloženu ostavku na mjesto člana Upravnog odbora Agencije te se stoga Agencija obratila Upravnom vijeću Centralne banke BiH sa zahtjevom da se odobri da imenovana pored obavljanja funkcije viceguvernera u Centralnoj banci BiH obavlja i funkciju člana Upravnog odbora Agencije, do momenta razrješenja sa funkcije člana Upravnog odbora, a najduže tri mjeseca od dana podnošenja ostavke, odnosno od 29.6.2017. godine.

Imajući u vidu sve naprijed navedeno, u cilju razrješenja imenovane, odnosno imenovanja novog člana Upravnog odbora Agencije, potrebno je donijeti ovu odluku.

III - FINANSIJSKA SREDSTVA

Za realizaciju ove odluke nisu potrebna izdvajanja iz Budžeta Federacije Bosne i Hercegovine.